




天  
地  
人  
三  
才  
圖  
說  
卷  
上  
目











月唳序

偶從邗關候渡。有客携宋錦見售。古色照人。無金可易。客旣去。方羨艷不已。有童子以殘書換餅餌。抽視之。得月唳焉。雖無古色照人。流目頗多新采。自笑曰。是或足以酬。



宋錦也。以十五餅易之。不異十五。  
城之趙璧也。卽坐津頭讀之。讀至  
知棄楚。必能興漢。曰。是。袞之繡。  
也。至無可奈何。真奈何。曰。是上林。  
之錦也。至爭聽嬌鶯第一聲。曰。是。  
公子之金衣也。至豈是尋常少年。



曰。是。五。陵。之。統。袴。也。至。滿。身。花。影。  
生。寒。曰。是。楊。恂。花。蕊。衣。也。至。秋。水。  
碧。于。僧。眼。曰。是。冰。綃。霧。縠。之。紋。也。  
至。試。看。玉。女。化。金。仙。曰。是。雲。裳。霞。  
帔。也。至。影。弄。銀。河。之。月。曰。是。天。孫。  
一。日。七。襄。也。至。青。樓。諸。品。曰。是。裁。



成五色嫁衣以待王昌者也。叫嘆  
不已。津頭人曰。若人也。其以未得  
古錦而叫嘆者。耶。予曰。否。否。錦已  
得之矣。



廣快書卷十七

西湖何偉然仙臞纂

延陵吳從先寧野定

月候

凌仲望元本

范大夫載西子隱跡。自有深心。恐敗吳轉以亡。  
越蕭相國薦淮陰登壇。獨具隻眼。知棄楚必能  
興劉。

客養三千。以魯仲連視之。爲狗盜雞鳴。千古。



高東海者。誠爲孟嘗。抱歉賢歸四海。以汲長孺  
視之。盡是奴顏婢膝。萬世仰內史者。深爲平津  
負羞。

人至乞憐之時。則耳目肝腸。皆爲效勞承奉之  
具。士當得意之日。則喜怒笑罵。盡成揚眉吐氣  
之資。

數椽茅屋。遶槿籬。倚幽巖。而翠滴臨清澗。而雲  
流地閒苔厚。俗轍無驚。愛小犬時眠。無形可吠。



此處士之山莊。絕勝金鋪玉戶。幾帙瑤編。共玉  
案。消寶篆。而琴閑。對蕉牕。而榻靜。茗啜風生。塵  
琴不染。喜幽禽忘啄。悅性相隨。此處士之潛養。  
自超勢焰聲高。

燕窺簾幙。得主人似曾相識。果相識。花落園林  
舞春恨。無可柰何。真柰何。

一任吳姬柳葉。卓氏遠山。何如新月初三夜。謾  
誇楚館鵝笙。秦樓鳳管。爭似嬌鶯第一聲。



未滿先求退。羨下澤車。易足于馬。少遊歸閑不厭貧。愛三徑菊。自樂于陶元亮。

清談落筆一萬言。非李供奉無此別調。白眼舉杯三百竿。惟李供奉有此別腸。

紅袖低翻。香拂豔凝粧。鏡媚紫簫忽斷。鳥藏風靜碧雲間。

無言語。非無言語。無文字。非無文字。此不二門。見于絮定之日。任寂滅。非任寂滅。任空虛。非任



空虛。此最上乘。得于梅熟之時。

無言不佳。笑德揅之濫譽。是人皆悅。鄙王導之周旋。

一榻下賢。應爲曠古盛事。千金買笑。豈是尋常少年。

盡精忠而千秋。啣怨不平。莫如武穆。享極侈而萬世無口可議。祇有汾陽。

傍岸枕魚簑。翡翠偷窺白玉尺。穿林收牧笛。鸚鵡。



月明  
三  
雖爭棲黑牡丹

幾許寸心。至山海所積之事理。填之不滿。么麼  
兩目。極日月所遍之形物。堆之自消。

手談癖戀。倚幽篁。一徑風聲成韻。樂聖歡隨。泛  
明月。滿身花影。生寒。

星列漢廻。大塊文章無並。鳥啼花謝。化工歌舞。  
超倫。

雪積顛茶。一樹珊瑚妝白玉。露凝修竹。數竿蕭瑟。



翠綴明珠。

涉世貴模糊。無效屈大夫之清醒。處身任自適。不防阮步兵之猖狂。

理不可以解。爲解能生障。道不可以言。爲言能有窮。故學士家言語文字。一切可刪。

劫以刀鋸炮烙。懼以異相奇形。堪笑山鬼遞更遞換。靜若潭月巖雲。定若凝脂沾絮。何如老僧不見不聞。



江湖廊廟總關心。杜拾遺若應憂民憂國。月下  
花間惟自醉。李學士相宜任俠任豪。  
不着根宗。狗口耳而習章句。卽欲爲富貴之階。  
今日之青衿堪嘆。無關時弊。假忠赤而議雌黃。  
徒自爲名節之地。當世之白簡可哀。

伯夷遜侯封而謝世榮。笑叔旦之不知。而欲縻  
祿位。許由逃大寶而輕軒冕。嘆旅人之不諒。而  
疑竊皮冠。



慾起寸心。幾似咸陽火。烈怒冲兩目。何異天寶霧昏。

革弊存法。重魏公明之慶曆。因弊變法。陋安石行之熙寧。

一言拜相位。可云輕五斗。博州價可爲賤。

重耳之伯。常乞食于野人。文叔之興。曾燎衣于破竈。楊誠齋謂人不饑不寒。最當用患。見及此已。



月明  
卷十七  
五  
萬派投醪。皆醉莊王之惠。三軍挾纊。盡暖楚子之言。

富致白圭。取衆人之所棄。德成李襲。棄衆人之所收。

技貴尚時。須識屠龍。不如屠狗。學期適用。當知相駿。不如相駑。

惟賢來賢。梁公之桃李可愛。惟不肖投不肖。陽貨之蒺藜堪羞。



論端木氏多聞伎能。徒具車兵在手。觀曾子與  
守約力量。真掾寸鐵殺人。

肆志凌霄。應超漢時意氣。忘情塵。邴邴知晉代  
清虛。

達桓南郡之空函。鄙洪喬悞生于憚。加劉文叔  
之長脚。姜子陵狂如其常。

笛韻振幽林。聲唳梅花蛟自舞。茶烟起靜室。翠  
裊寶篆鶴來啣。



真藏華削。制度或突于一眼。而精神漸露于眼。  
眼者。是含章畜彩之珍。非來自商周。卽遺自秦。  
漢。雖俗子見麾。自能售于世祿之氏。質陋色莊。  
彫琢或炫于一時。而耳目易厭于時時者。是欺。  
世盜名之物。非陳之少室。卽列之何樓。雖識者。  
難賞。自能投于暴富之兒。

縱飲樂幽林。遍尋黃甲煮紅葉。狂吟題峭壁。時。  
備青松掃綠苔。



遇風定花猶落之境。俗態應消。當鳥鳴山更幽之時。塵情自斷。

有恨風前堪惜梅殘千片白。無人江畔可憐。月冷一痕清。

拾翠漫行吟。樂意相投啼鳥亂。扳崖倦坐石歸。心恰似落花多。

潘夏風流。爭美璧輿兩個。阮何俊逸。共誇宋殿一雙。



度。筏。尋。幽。秋。水。碧。如。僧。眼。登。樓。萃。秀。晚。山。青。似。  
佛。頭。

閑。坐。閑。行。閑。自。忘。任。聽。鶯。語。移。時。立。思。來。思。去。  
思。無。住。幾。逐。楊。花。觸。處。飛。

聆。碎。語。調。簧。勝。接。嘉。賓。數。輩。玩。群。葩。吐。綺。如。挾。  
粉。黛。千。行。

寶。樹。七。重。圍。香。浸。維。摩。之。室。雲。華。五。色。擁。光。臨。  
大。覺。之。仙。



淨界花飛。悟空時見。香成雨。祇園金布。證果常  
看福有田。

滿院風來。孰禁怒生蒼檜。半窻雨過。誰關寒怯  
幽蘭。

杜宇一聲。驚慘春紅萬樹。文禽幾隊。靜沉晚綠  
半塘。

翠袖新裁。玉笋嫩增鸚鵡綠。湘裙初試。金蓮嬌  
映荔枝紅。



服曉日。食晚霞。五臟華生似錦。伐皮毛。反髓骨。  
萬年春。浩齊天。

美歐陽修之醉翁。醉不在酒。愛竹林子之醉老。  
醒不妨醺。

號伏鸞。號隱鵠。雖世揚其芳。爲璞玉。爲渾金。必  
自居其實。

痛飲美酒。熟讀離騷。便成名士。矯薄今時。徒徇

古制。卽是腐儒。



大卿放生。丞相焉能無恥。虞侯割股。帥君應自  
負慚。

漢水奏奇。一人膽喪千人膽。鄭門歸市。千人心  
慕一人心。

附品花木

瘦骨橫窗。雪艷冷凝千嶂月。暗香入座。冰魂清  
散一簾風。

冷艷映江邊。不受塵埃半點。清芬來竹外。應消



俗態千般。梅花

萼破如脂。艷質多欺白雪。葩繁似杏。異香滿散。

紅雲。紅梅

妝學漢宮嬌慢。道黃姑超白。苧姿刊東閣。艷試。

看玉女化金仙。蠟梅

翠黛神清。羞比薛家紅線碧。桃姿秀爭誇石氏。

綠珠。綠萼梅

庭前妙舞亂霓裳。恍秦弄玉之謝世。溪畔香魂。



冷羅襪。如許飛瓊之飄仙。落梅

笑日舒霞。嬌映武陵之水。披風爛錦。艷倚宋玉之牆。

和風酣逸態。恨消九陌之塵。烟景麗濃妝。嬌助

萬村之色。桃花

爛熳午橋。亂簇千機之錦。輝煌唐苑。平鋪十里

之霞。杏花

堆瑤簇玉。雪爲神。幾在龍昌寺裡。縞夜鮮春桃



月明  
卷十七  
十  
失色如登碧落堂中。李花

品指神仙共賞春風綽約。艷疑妃子爭憐曉日

輕盈。海棠

日研金汁寫千尋常潤紫毫射斗天散錦箋呈  
五色時看少女書霞。木筆

吐玉含金恍見齊奴開錦帳扶紅倚綠忽牽秦

女畫娥眉。薔薇

艷凝曉露千房可愛新裁雞舌紫香細晚風一



線。却疑初破麝臍黃。

瑞香

素質幽閒。宿與羅浮同夢。靚妝貞靜。時披月姐

爲鄰。

梨花

曉露麗丰神。忽見艷妝欲動。晚烟含倦態。恍懷  
春恨無窮。

一縷暗藏深。護繁華金世界。十重高擁。突呈富

貴玉樓臺。

牡丹

國色超塵。丰度艷如雪魄。仙妝絕世。精神皎似



蟾光。白牡丹

霞爛赤城。常使元稹之賞。錦翻蜀浪。忽牽屠易之吟。

艷質露凝。夜月不關雲髻重。芳心蝶戀。晚風那惜玉樓寒。

芍藥

糝徑舞輕盈。粉蝶忽驚魄散。穿簾逐上下。黃鸝驟接魂迷。

楊花

翠幄圍春。可愛艷妖扶綠袖。珊瑚映水。慢教溪



女染紅雲。榴花

玉露嬌含。丰艷與朝霞等麗。金風笑倚精神。與

秋水同清。芙蓉

勁節不摧。艷散岷嶺之雪。芳姿挺秀。光被建溪

之風。茶花

露浥檀心。半吐月華萬朶。風吹玉面。盡開雪艷

一屏。酴醾

潔似玉塵。常向翠樓妝。夜色輕同柳絮。時隨紅



葉舞秋聲

蘆花

參白參紅。幽伴籬邊之菊。顧影顧艷。低垂水曲。

之天

蓼花

翠葉間千層。影弄銀河之月。金英綴萬縷。香飄

玉宇之風

佳種紛栽。世上遍成鷺嶺。異香滿散。人間盡是

廣寒

桂花

絳萼參差。萬疊逶鋪霞艷。碎芳苞爛熳。數枝爭



放錦標長。蜀葵

綽約迎風恍似太真解語輕盈照水幾如西子  
臨救

翠蓋紛從擁宓妃雲漾一川之水紅幢亂簇隨  
湘女錦翻十里之風。蓮花

玉質艷波光驚水仙之聯一隊瓊姿鮮露彩疑  
月姐之化千身。白蓮

輝合霞冠絕勝喬家二女芳聯雲帳應誇漢殿



雙妃。並頭蓮。

幽色堪娛。常使謝庭之賞。紫莖可愛。時飄鄭國之香。  
蘭花

晚艷當秋。金谷懶隨鬪春色。嘉名取寵。玉堂曾  
近沐君恩。  
紫薇

節勵金風。應笑千花落魄。姿妍玉露。何如三徑  
當時。  
菊花

皓素愛江妃。常吸月中之露。清芬美姑射。不染



世外之塵。水仙

瑞發九莖。曾含秀于金殿。光浮五色。忽飛影于

玉墀。芝草

碧玉枝柔。如挹王恭逸俊。黃金色嫩。恍接張繡

風流。柳

千尺影搖。幾見蛟龍欲起。半天聲撼。忽驚風雨

生寒。松

黛色參天。貌古武侯之宇。蒼髯聳漢。寒凜御史



之臺。栢

清散午階。可愛枝枝垂碧玉。翠洗曉露。應奇片

片剪青霞。梧桐

綠扇橫窗。案上之瑤編生色。翠旗映戶。庭前之

珠箔增輝。芭蕉

逶迤當庭。影薄忽看山色。漏臨窗。歌枕韻寒疑  
是雨聲來。

玉骨凌霄。青女難欺雅搯。翠葆拂浪。封姨喜挹



清標。竹

附品青樓

春雲不待膏沐。檀口何用吳香。懶髓慵施。羞侶  
鄧氏之媚。梅花懶逐。別有壽陽之嬌。覩卿之靚  
妝。宛號國夫人在目。

矯若乘鸞素女。飄如臨檻麗華。弱質輕盈。絕勝  
柳隨風舞。丰神綽約。爭誇鶯啄花飛。覩卿之逸  
俊。宛朝陽小燕在目。



月明  
卷十七  
五  
白雲自失素艷。明月應讓容光。冰姿可愛。皎同  
玉樹臨風。秀色堪食。麗似芙蓉映水。靚卿之精  
神。宛凌波仙子在目。

秋水堪挑。堪盼。杏臉宜喜。宜嗔。芳心忽醉。自忘  
露染雲濡。密約頻溫。如接花香。鳥語靚卿之風  
致。宛若若耶西子在目。



秋水鏡序

秋水爲鏡。不止照徹鬚眉。卽冰雪  
之肺腸。悉欲獻其影焉。一切朱粉  
螺黛。有所不受。作鏡中遊。而覺水  
之受染也。然懸鏡者。亦嘗自照耶。  
如所謂于詩書外得幾分。于山水



外得幾分。山花徑竹。艷于粉黛。松  
濤石溜。清于管絃。蔡澤爲名利塲。  
中羽客。漁之作烟花隊裏仙流。昨  
霄雨過。蒼苔滑。免向巉巖險處行。  
朱門幾處。耽歌舞。猶恐春陰咽管。  
絃。一醒一醉。緣何事。坐對寒花烟



滿庭湖中多少遊湖者。半在斷橋  
烟柳間。萬里長江。安得不千里一  
曲。不如嫁作商人婦。免此江頭一  
段愁。端人正士坐堂中。一切羣魔  
自遜跡。皆自照語也。秋水無私。人  
人可照。洪先生開秋水以鏡人。欲



人人共獻冰雪之肺腸耳。不然。如  
以人爲照。寧免子高窺井而發粲。  
鄒忌照鏡而失妍耶。其拍洪厓之  
肩。而讀秋水之篇。終不使人私我。  
固知秋水鏡。不可作臆說觀也。

仙臞何偉然題



廣快書卷十八

西湖何偉然仙臞纂

延陵吳從先寧野定

秋水鏡

刪洪月誠臆見本

淵明田園樂云。犬吠深巷中。雞鳴桑樹顛。雖是  
農家常事。然景出天然。意會偶爾。自是田野中  
真率趣味。若春日鶯聲。戴顓以柑酒聽之。草際  
蛙鳴。稚圭以鼓吹視之。襟懷雖是曠達。然向清。



幽境中着一濃艷想。恐猶是情識用事。

降魔禪師在歸宗會下。一夜巡堂大呼曰。我大  
悟。我大悟。宗問悟箇甚麼。師曰。師姑原來是女  
人。蓋道體具足。縱使聖賢經綸。帝王事業。做到  
極處。只還得本來面目而已。所謂悟了同未悟。  
歸來尋舊路。深得儒佛宗旨。

客有貨玉帶於王旦者。使弟繫之。問還見佳否。

弟曰。安能自見。旦曰。玉重器也。自負重而使觀。



者稱美得無勞乎。又有以古硯獻孫之翰者。曰。此石呵之則水流。其直三十千。翰曰。一日縱呵。擔水所直三文耳。何用此爲。夫珍奇玩好。上以開賄賂之門。下以通獻納之路。其爲官箴之蠹多矣。二公獨從人情。騰沸中出一清冷語。使獻者氣沮。受者色愧。雖偶爾之譚。所以警貪汚而持世道。良非淺也。

天地有無窮的力量。然一日纔到午後便急忙。



晦冥以蓄來日之光華。一年纔到秋來便急忙。  
收歛以養來年之發育。人生才力幾何分量幾  
何。而事必欲做盡。福必欲享盡。智巧必欲用盡。  
是焚林而狩。竭澤而漁矣。如明年之無獸無魚  
何。

善讀詩書者。於詩書中得幾分。於詩書外得幾  
分。善玩山水者。於有山水處得幾分。於無山水  
處得幾分。蓋遊神於象貌之先。會意於詞說之



表纔可作詩書解人。出水知已。不然如留情花  
酒者。種花幾畝。儲酒幾甕。而曰我愛花。我愛酒。  
祇爲貨花之賈。釀酒之奴而已。

夫斧斤鳩毒。常寓於衽席杯觴之間。笑語嬉洽。  
未必非關弓下石之人。故仇邊之弓矢易避。而  
愛裡之戈戟難防。苦處之坎珂易脫。而樂地之  
陷阱難逃。此聖人之畫卦。比卦爲親附之義。而  
險亦居其中。需卦爲宴樂之象。而險亦伏其下。



其防微示儆之意深矣。

宋丞相與范泰卿同學。宋既登第。泰卿仍棲遲  
泉石。一日相遇於途。宋謂范曰。昔共燈火。子嘗  
謂我不知今日孰勝。范笑曰。子之勝我。特在聲  
色。服食耳。然山花徑竹。艷於粉黛。松濤石溜。清  
於管絃。菰羹鱸膾。旨於珍饈。冬裘夏葛。適於袞  
冕。食罷而舞。酒酣而歌。日高伏枕。魂夢亦自安  
閑。以此觀之。子仍不如也。噫。世人只是滾滾於



馬頭塵。匆匆於駒隙影。不入此境界。故不知此  
趣味耳。試向泉石佳處。息心靜坐。得一段清寂  
趣。則以此較彼。真不啻蘇合之於蜚螭也。秦卿  
豈浪言哉。

饑則附。飽則颺。煥則趨。寒則棄。古今通患。唐人  
詩云。花開蝶滿枝。花謝蝶依稀。惟有舊巢燕。主  
人貧亦歸。又云。谷口春殘黃鳥稀。辛夷花盡杏  
花飛。始憐幽竹山窗下。不改清陰待我歸。誦二



詩。令人不勝興炎涼之嘆。安得舊巢之燕山窗。  
之竹。與之締貧交而共歲寒哉。

昔一達官營第。誠築者善爲之。築者曰。都城內  
外其牆皆某所築。只見人逝。牆在未聞。人在牆  
傾。達官默然。又一婦再醮其夫。偶出前夫故衣。  
令工人修而短之。工人沉吟不決。其夫曰。以長  
作短。何難之有。工人曰。長者易爲短。但恐難再  
長耳。其夫亦愀然。夫大塊且屬微塵。此身尚爲



泡影。况塵中塵。影外影。如第宅妻子。其去留聚散。不過暫寄之蘧廬。偶遇之宿鳥耳。二工人微辭。婉諭真足以醒幻世之夢。

南唐關司稅重。商皆苦之。會畿甸亢旱。烈祖問曰。外郡皆雨。京城獨無。何也。申慚高曰。雨懼抽稅。不敢入城。烈祖笑而除之。又李茂貞權油以助軍資。因禁松明。張廷範曰。不如併禁明月。茂貞因而弛禁。語言微中。可以解紛。信矣。至桓玄。



纂位。忽然地陷。殷仲文曰。良由聖德深厚。地不能載。南燕冬月不冰。燕主惡之。李超曰。良由密邇帝京。接近日月耳。噫。心乎爲國者。隨事獻忠。意在阿君者。百計貢諛。忠佞之分途如此。

人皆曰。人非木石。誰能無情。不思木果無情。何以相思名樹。連理成枝。有華皆笑。無葉不顰也。若石之叱而成羊。飛而爲燕。聽法點頭。望夫立化。又誰謂非情耶。噫。木石且然。況于人乎。故墮



甌不顧達矣。終不若求遺簪者之厚。鼓盆而歌  
高矣。終不若哭瞽女者之仁。所以寧爲有情之  
癡。愚母爲無情之曠達。

夫氣序原無遲早之分。人心自多欣戚之念。得  
意則曰。近水樓臺先得月。向陽花木易逢春。失  
意則曰。水近偏逢寒氣早。山深長見日光遲。樂  
天獨不云乎。何處臺無月。誰家樹不春。會得此  
意。處處見樹綠。山青。時時有風來。月到矣。



昔人云。早知不入時人眼。多買胭脂畫牡丹。又云。粧罷低聲問夫婿。畫眉深淺入時無。粉飾雖工。炫耀縱巧。不過倍奉得他人一雙耳目而已。於身心何涉。唯子美云。文章千古事。得失寸心知。王元云。古調俗不悌。正音君自知。乃所謂知希我貴。

有僧獨居深山。山鬼百計誘之。或戲以美色。或攝以奇怪。僧皆不動。久之寂然。或問其故。僧曰。



山鬼之伎倆有盡老僧之不見不聞無窮也世間一切橫逆衡皆是難我的山鬼若稍有承認的念頭便受其制縛只如此僧不見不聞真似野火燒空不撲自滅矣。

仲連義不帝秦復逃封爵之賞子房功成破楚遂從赤松之遊所謂一拳打破山碎手上無痕一口吸得海乾喉中不濕乃真高手太冲云功成不受賞長揖歸田廬太白云事了拂衣去深



藏身與名。其見及此乎。

明道與伊川同赴席。伊川見坐有聲妓。卽拂衣去。明道歡飲始散。次日伊川猶有怒色。明道笑謂曰。昨日本有心上。却要無。今日本無心上。却還有人心本自圓通。如鴈過澄潭。鴈去而潭無影。風來踈竹。風息而竹無聲。稍有沾滯。便受累多矣。程叔子之正。似不及伯子之冲和也。

趙季仁謂羅景綸曰。某平生有三願。一願識盡



世間好人。二願讀盡世間好書。三願玩盡世間  
好山水。景綸曰。盡則安能。但到處莫放過耳。大  
凡遇高人勝事。若輕放過。便讀盡五車。遊遍四  
海。識盡天下賢豪。猶然故吾而已。只是遇一事。  
便莫放過一事。若老吏之勘獄。若猛將之焚舟。  
則一卷可盡二酉。半畝不讓十洲。而海內英賢。  
又自三人行中得之矣。惡用盡爲。

居古人之後。議古人之事。則易。處古人之時。行



古人之事。則難。故尚論者。毋從瑜中摘瑕。當從  
瑕中求瑜。如坡翁題歸湖圖云。功成不受上將  
軍。一舫東歸笠澤雲。載去西施豈無意。恐留傾  
國更迷君。又松雪題戲妻圖云。相逢桑下說黃  
金。料得秋胡用意深。不是別來渾未識。黃金聊  
試別來心。二詩無中生有。死中求活。善於出脫  
人罪。議論人物者。當以爲法。

劉長真。王仲祖。同行日。肝未食。有相識小人獻



以盛饌。長真辭焉。仲祖怪而問之。長真曰。小人  
都不可與作緣。此語極得。蓋龍以可豢被醢。魚  
以貪餌受烹。君子嗜好不謹。一爲小人所中。假  
以作緣。則心腹肝膽皆在小人掌握中矣。  
一僧終日默坐。藏主問何不誦經。對曰。不識字。  
藏主曰。何不問人。其僧叉手鞠躬而問曰。這是  
何字。藏主默然。蓋天下有無形之字。無字之書。  
善學者當向未畫前識取。從無言處悟入。此僧



利不金  
以身爲字。正得此意。世乃有終身伊吾而不識  
一字者。可勝歎哉。

鳳鸞曠世希逢。而鴟鶚無時不有。芝蘭栽培不  
茂。而荆棘隨地皆生。可見凶頑之種。蕪穢之類。  
天地且不能盡去之。況於人乎。故君子之於小  
人。上則以德化之。使虎狼革其毒性。鴟鶚懷以  
好音。次則以量容之。使虎豹隱於山林。虺蛇藏  
於澤藪。纔是天地生成德量。若必欲搏擊而誅



鋤之。是以暴益暴。以頑濟頑也。何以爲君子。  
因天時。興地利。便成農圃之裁成。損有餘。補不  
足。卽是商賈之經濟。蓋大道不外庸行。真脩不  
出素位。人生只是日用不知耳。惟康節云。酌有  
淺深。存燮理。飲分多少。係經綸。莫笑山翁拙於  
用。也能康濟自家身。又陽明云。饑來喫飯。倦來  
眠。卽此脩行。玄更玄。說與世人渾不解。却從身  
外覓神仙。二公蓋深得個中趣者。慎毋持燈而



利九金  
更覓火也。

昔人云。莫使滿帆風。須留轉身地。若曹操之伐  
吳也。符堅之伐晉也。空國而行。與幸一舉。皆不  
留轉身地者。卒之一膽落于赤壁之烟塵。一魄  
喪于八公之草木。至今言之。猶使英雄墮淚。豈  
非千古炯鑒哉。

作人源頭清淨。心體光明。才是高品。不然。卽冒  
襲聖賢。依附名理。總之名教中一奸人術士而



已如种放以高隱開捷宦之徑。公孫弘以曲學  
攘下士之名。迄今爲有識者所姍笑。又不若蔡  
澤爲名利場中羽客。渙之作烟花墜裡仙流。瑜  
不掩瑕。瑕不妨瑜。猶勝玉表石中者一等。

高世則墓碑厚而且美。黃少保欲分其半爲神  
道碑。高之後裔曰。相公何取之薄。黃問故。對曰。  
恐後人復分公之碑耳。又錢尚書使鄉人治第。  
磚甃亦取給焉。一老傭取黃瀚墳磚應之。錢怒。



老傭曰黃墳之磚亦某取自舊塚中者無足怪也。夫悖入悖出毫髮不爽。天道固然。詩云。下侵一尺土。上欺五尺天。未知百年後。畢竟落誰邊。語亦痛快。

稽康之鍛。武子之馬。陸羽之茶。米顛之石。豈真癖若此。蓋高人韻士與世不諧。故借以寄其磊落之懷。洩其憤鬱之氣耳。世人語言無味。面目可憎。皆緣碌碌風塵。胸中無此一段癖嗜也。



人有遇橫逆而思報復者。卓吾子曰。天方助桀。胡可與爭。犬自吠堯。於我何語。急而擊之。在我多費。博浪之椎。徐以待之。在彼自有烏江之劍。又况彼之呌跳。有識者已鄙其狂。我之安閑。無知者亦服其量。使丙夜而深思。彼之含羞。其何以解。卽終身不報。我之得勝。亦多矣。言雖近于憤激。遇橫逆者。試思一過。胸中磊砢。不渙然冰釋乎。



秦皇漢武。雖非賢君。而大略雄才。能別開混沌。  
留侯武侯。雖非儒者。而仙風道氣。自不落塵凡。  
故士君子未能堯趨禹步。周程孔規。遊中正之  
途。亦當脫局中之見。獨立丰裁。馳城外之觀。自  
樹標軌。切勿碌碌作轅下駒。栖栖若籠中鳥。爲  
英雄姍笑。

閔子聞瑟音。知其有貪心者。以見狸捕鼠也。蔡  
邕聽琴聲。知其有殺心者。以見蝦捕蟬也。夫目



觸心動。日可邪視。心可妄動乎。

客携小畫一幅。餽送達官。上畫一樵夫。荷篠而  
立門內。有老婦倚門顧之。一士子題云。老婦喚  
翁。翁住聽歸來。須束擔頭輕。昨宵雨過蒼苔滑。  
休向巉巖險處行。噫。入仕路者。恨不恩加九錫。  
趨利途者。恨不貫纏十萬。誰肯輕束擔頭。卒之  
犯危履險。一跌不收。悔無及矣。

孔文舉云。座上客常滿。樽中酒不空。吾無憂矣。



陶淵明云。偶有美酒。顧影獨酌。酒盡興酣。悠然而樂天。論襟懷。淵明不及文舉之豪邁。論趣味。文舉不及淵明之恬夷。然正不當以優劣論也。時可同人。則高明滿座。不以爲濫。時可獨樂。則揮杯勸影。不以爲僻。總之期於得趣而已。

四民情農最苦。故聶夷中詩云。父耕原上田。子劬原下荒。六月禾未秀。官家已脩倉。又云。二月賣新絲。五月糶新穀。醫得眼前瘡。剜却心頭肉。



李紳云。春種一粒粟。秋收萬顆子。四海無閑田。  
農夫猶餓死。又云。鋤禾日當午。汗滴禾下土。誰  
知盤中食。粒粒皆辛苦。四詩描寫農家艱苦情  
狀。惻然動人。李約祈雨詩云。桑條無葉土生烟。  
簫鼓迎龍水廟前。朱門幾處耽歌舞。猶恐春陰  
咽管絃。何也。彼膏粱紈袴。不聞稼穡艱難。不覩  
胼胝勞苦。恣睢暴殄。終身葬埋於肥甘輕煖之  
中。而不知農事之當恤。李約所以深致其慨也。



東坡平日好蓄藥而喜釀酒。或曰。公無病而多蓄藥。不飲而專釀酒。何勞已以爲人也。東坡曰。病者得藥。吾爲之體。輕飲者。醉酒。吾爲之興。適皆專以自爲耳。噫。世人皆同調相和。同病相怜。坡公獨無病而憂人之病。不飲而喜人之飲。合異爲同。真有太公的氣象。彼曹瞞多智而嫉用智之楊修。隋煬能詩而忌善詩之道衡。又於同已者而異之矣。人品何啻天淵。



李翱問藥山師曰。如何是黑風吹船舫。飄入羅刹鬼國。師曰。李翱小子。問此何爲。李不覺怒形於色。師咲謂曰。發此嗔恚心。便是黑風吹船舫。入羅刹鬼國矣。蓋人世一切禍區福境。皆由念造。故利欲熾然。卽是火坑。貪愛沉溺。便成苦海。一念清淨。烈焰成冰。一念覺悟。船登彼岸。時時提醒此心。慎勿墮入羅刹國中。

德因量以消長。福隨量爲淺深。此弘襟大度君。



子也。如丙吉不問吐茵之胥。劉寬不怒覆羹之婢。高矣。至柳公權盃盃在笥。爲主藏者所竊。猶笑曰。銀盃羽化矣。張士簡舟米三百斛。運幹者耗失大半。託之雀鼠。士簡直嘆曰。壯哉雀鼠。襟懷何等曠達。下此乃有買一絹而往復討論。使婢以牙儉鄙之。設一宴而十餘自起。令其屬以侏儒目之。以此較彼。何啻溝澮之於滄溟乎。語云。心大者。萬鍾如瓦缶。心小者。一髮似車輪。于



此尤信。

公孫弘布被。人譏以詐。范忠宣布被。人亦譏以儉。何也。蓋富貴而不義。則貪污之。五鼎不及猶介之一瓢。富貴而義。則王公之華袞無媿。士人之敝緼。此儉所以與詐皆譏也。然與其使人譏以詐。吾寧使人譏以儉。

呂純陽受學於鍾離子。三年。鍾離子授之以丹。使點鐵爲金。以滿功行。呂問曰。是金終還變否。



鍾曰。三千年後復爲鐵矣。呂愀然曰。如此則誤。三千年後人矣。功行之謂何。鍾曰。善哉。卽此一念。可萬年矣。於長生何有。蓋終始十世。不離當念。道家以一念之差。爲潰舟。釋氏以一念之差。爲墮輪迴。戒律之嚴也。有以夫。

塵生甌內。魚遊釜中。貧亦極矣。而百世咸慕其清。食必萬錢。宴必千燭。富亦極矣。而千載猶嗤其侈。可見淡泊之境。賢哲所棲。濃艷之鄉。陋劣。



所托榮通醜窮。其人可知矣。

陳履吉愛書成癖。一日觀史。偶起。鬪藥。而鹿殘滿地。履吉怒甚。其婦笑謂曰。山家久入洪濛。獨文字機緣未了。山靈故遣老鹿脫君機械耳。何以怒爲。大抵人之垢病易去。而潔病難去。故士人不貪官。不愛錢。而獨爲文字魔。爲詩書癖。舉一生精神。盡消磨於文場筆陣之中。亦一潔病也。所以吾人嗜好一切。以淡爲貴。



李伯時工於畫馬。法雲師謂其死後必入馬腹。伯時求度於師。師曰。但學畫大士像。此念旣真。彼念自息矣。夫繪馬者。直手摹之。猶然墮落。若此。况人面獸心者哉。噫。如牛哀化虎。楚姬化黿。吾又不知何以度之。

周叔夜赴楚臬。請益於楊抑齋。抑齋曰。獨陽不生。獨陰不成。凡事不可太要好。又士人林向陽。字茂春。謁曹定菴。定菴曰。子名向陽。又字茂春。



都從旺處一邊走。不可不思。噫。世人事。事揀好的。做從旺處行。不知有陽不能廢陰。泰極則必歸否。造。且然。况人事乎。

對官長而言清。則不清者見忌。對朋友而言直。則不直者起疑。此通患也。故昔有當路者。劾一州佐。州守固言其佐賢明。力爲辨論。當路者怫然怒曰。我豈蔽賢者耶。併劾其守。又一令及丞皆刻薄。獨薄長厚。偶宴集。簿以事先辭去。一鄉



先達因以長厚贊簿。令變色言曰。我輩皆薄德者。耶。遂罷席。夫揚人之善。自是美事。然妍醜太明。激揚過甚。或顯賈株連之禍。或陰受波及之殃。其爲害之不小也。君子處此。固不可無明諍之譙言。亦不可無曲全之妙用。

胡九韶貧居。食力。每日哺時。必焚香謝天。賜一日清福。大抵鳥不入籠。不知茂林深樹之爲樂。獸不投阱。不知平原曠遠之爲安。人不從橫逆。



場中磨煉一番過來。誰知無事爲真福。惟周海  
門有詩云。門對青山俯碧江。高朋滿座酒盈缸。  
此中不識何爲苦。還是西方是樂邦。知此趣味。  
庶不負却一生清福。

漢武從不移步處。識霍博陸。從不轉盼處。識金  
日磾。竟以託孤寄命許二人。蓋當大任處。大變  
者。必有一段凝神鎮重的氣象。方能以暇應卒。  
以靜制動。如淝水之戰。謝安石以賭棋制勝。澶



淵之後。寇萊公以酣寢成功。皆用是道。若王恒之倒執手板。殷深源之竟達空函。夫先自亂已。又安能定天下之亂哉。

前人對菊詩云。三閭大夫不願醉。五柳先生不願醒。一醒一醉。緣何事。坐對寒花烟滿庭。噫。不願醉者偏於清。不願醒者偏於和。總不若清不絕俗。和不尚同。醒醉兩忘。纔是涉世一圓機也。天欲禍一人。必先以小喜驕之。天欲福一人。必



先以小懼儆之。故項藉之敗。不敗於烏江之刎。而敗於鴻門之一宴。劉季之興。不興於咸陽之入。而興於睢水之一圍。所以語云。福來不必喜。看他會受禍來不必憂。看他會救。亦名言也。

楊誠齊贈佗頭詩云。刺血抄經奈若何。十年依舊一頭佗。袈裟未着言多事。着了袈裟事更多。大抵居色界者。欲累礙。易掃除。入空門者。理纏最難擺脫。事理兩拋。色空雙泯。纔得逍遙。



義士之死而禁烟。感孝子之哀而罷社。聞歌聲而楚軍夜散。聽笛韻而胡騎北走。是爲情所動也。至於盜牛之人。受王烈之布而改行。受賄之吏。領太宗之絹而易節。又爲義所激也。故以力服人。不若以情感人者真。以法驅人。不若以義動人者切。

韋澳兄溫與中丞高元裕友善。謂澳曰。高君端士也。汝往一面。必得御史。澳曰。然恐無呈身御



史也。竟不往。又趙抃舉吳中。復爲監察。亦未識面。或問何以舉之。抃曰。昔人耻爲呈身御史。吾豈薦識面臺官耶。大抵薦人者。不舉識面臺官。纔可礪上氣。薦於人者。不爲呈身御史。纔可明官箴。道固兩相成者。不然。上喜奔競。而欲在下者。羔贄不飾。下工夤緣。而欲在上者。竿牘不通。得乎。

虎生三子。其一爲豹。虎以其不類已也。未及濡。



霧而以餉山神。鶴生三子。其一爲鶴。鶴以其不  
類已也。未及頂朱而投之地下。夫人於同已者  
則附之。於異已者則擠之。皆是類也。豈知體從  
何分。一膜之外便相睽絕。是我先成天地間一  
異物矣。將何共立宇內乎。

秦少游云。當年不嫁惜娉婷。傅白施朱作後生。  
說與時人須早計。隨宜梳洗莫傾城。行太高則  
毀來。才太美。則忌生。隨宜梳洗。平易近人。令人



人可親也。何必驚世駭俗。以致終身不嫁哉。  
東坡酷愛西湖。故云。若把西湖比西子。淡粧濃  
抹也相宜。又云。雲山已作蛾眉淺。山下碧桃清  
似眼。又爲西子傳神也。廼遊者往往以歌童舞  
妓。濁亂清景。直所謂花上晒視。松間喝道也。故  
范景仁云。湖中多少遊湖者。半在斷橋烟柳間。  
盡逐春風看歌舞。幾人着眼到青山。  
獸知觸邪草。知指佞。此物性之方正者。羊知跪。



乳鳥知反哺。此物性之仁慈者。石解說法。馬解聽琴。此物性之通悟者。犬能輾草。馬能垂韁。此物性之機警者。人爲萬物之靈。而徒醉生夢死。隨波逐流。汶汶一世。悲夫。

文章雖雕蟲小技。然須精神煥發。情狀宛然。從吾心出。從人心入。語快令人願聞。語愁令人眉蹙。語怒令人按劍。語激令人投筆。心寒白石。纔是文章妙境。不然。卽風雲滿紙。月露盈篇。不過



一剪綵之花而已。焉用文之。

有僧於門上壁上窗上各書一心字者。一僧云。門上還他箇門字。壁上還他箇壁字。窗上還他箇窗字。又一僧云。字義炳然。何勞復書。蓋物理自足。只還他一箇本色。便是了。手工夫若復用意緣飾。卽蛇足矣。

漢文帝終身不能富。鄧通。漢武沒世不能貴。李廣。其遭際何難也。張寶藏。華撥一方。竟登三品。



車千秋白頭翁一語。遽陟相位。其遇合何易也。  
至如孟浩然以詩名世。明皇素慕之。及見不才。  
明主棄。多病故人疎。二語。竟終身擯之。孟貫謁  
周世宗。其禮敬之。及見。莫伐有巢樹。休移無主  
花。二語。亦罷歸不用。此又將得還失。旣亨復屯  
者。總之造物播弄英雄。顛倒豪傑耳。君子居易  
聽之。固不宜爲躍冶之金。亦不可效乞憐之犬。  
晉李涉渡江遇盜。涉謂盜曰。吾乃詩人李涉也。



盜因懇其詩。涉贈一絕云。微雨瀟瀟江上村。綠  
林豪客夜知聞。而今不用相回避。世上相逢半  
是君。盜因禮謝而去。又沈文卿一絕云。風寒月  
黑夜迢迢。辜負君來此一遭。只有破書三四束。  
也堪携去教兒曹。盜亦避去。夫克頑莫如盜。猶  
可以詩書動乎。

晉周僕射言談放曠。人或譏之。周曰。吾如萬里  
長江。何能不千里一曲。此言豪而非誕。大抵千



尋之木。無嫌數尺之朽。方尺之璧。難辭半點之瑕。大丈夫磊落駿偉。若以曲過疵之。豪邁反爲掣肘矣。取長舍短。掄才者固自有權焉。

昔人論詩文。要單刀直入。不宜周緻綿密。密則神氣拘迫。踈則天真爛熳。氣韻之生死。皆判於此。然豈惟詩文爲然。吾以爲周密之人。飾貌矯情。純用機巧。踈狂之士。披心露膽。臆獨任天真。人心之醇漓。世道之隆污。亦從此分也。人有云。



寧爲薄倖狂夫。母爲厚顏君子。言雖激而意則  
懇矣。

秦封松爲大夫。晉封石爲三品。後李誠之詠松  
云。一事頗爲清節累。秦朝曾作大夫官。荆公詠  
石云。草沒苔侵棄道周。誤恩三品竟何酬。夫松  
石一無知物也。稍爲二朝點染。竟受萬世包彈。  
況士君子乎哉。

語云。門無國士。家雖大必敗。座有嘉賓。家雖微



必興。故晉公子從遊有三賢士。識者必其成霸  
功。宋壽王門下有三大才。相者必其居帝位。然  
則縉紳之家。富厚之室。無高人勝士。以爲入幕  
之賓。乃徒與宵人媚子。相爲阿比。吾恐門無桃  
李之蔭。室有蒺藜之殃矣。

趙德麟坐草疏入藉。爲黨人。後遇張文潛等慰  
之。德麟因誦王獻解昭君怨云。莫怨官人醜。畫  
身莫嫌明主遣。和親當時若不嫁。胡虜祇是官



中一舞人。近一娼婦。適一吏。歌舞連宵。未幾吏  
坐事發配。與婦泣別。盧梅坡戲題云。昨夜笙歌  
擁畫樓。今朝涕泣送行舟。不如嫁作商人婦。免  
此江頭一段愁。噫。胸中藏福。歡處成悲。天下事  
何常之有。

天下惟艷麗妖冶之色。最易黥人。潔白之操。最  
易銷人。剛勁之氣。此古人以尤物稱爲禍水。如  
陶穀奉使吳越。恃才凌忽。莫有抗者。及爲郵卒。



女所詐。竟漸沮而失措。何郯按節成都。欲察文潞公不法。爲張俞家妓所染。卒不能發一語而還。晦菴云。世上無如人欲險。幾人到此誤平生。旨哉。

木必生機槁也。而後蠹蝕之。人必正氣衰也。而後鬼害之。故君子欲鎮壓奸邪。無別法。只是飾躬正已而已。如見魯仲連。使人諱言名利。見黃叔度。使人鄙吝盡消。魏公子終席嫌讓。平原君



不敢言獻五城。尹翁歸難以私干于定國。不敢  
見于邑子。如端人正士危坐中堂。一切羣魔自  
爾遁跡。不然陰爲垢穢。陽以潔白拒人。是欲聚  
羶却蚋也得乎。

士君子乘時有爲。須是認得人真。如韓信認得  
漢高項羽二人。故登壇之日。便決楚漢雌雄。孔  
明認得玄德曹操孫權三人。故三顧之時。便定  
三分天下。不然。如范增之依項羽。荀彧之歸曹



瞞育投苟附。名實兩空。徒博後人一笑。

猶之捕鼠。鷹之擊兔。其始也。凝然不動。寂然無聲。及一遇鼠兔。遂迅若流星。掣電而不可測。威若疾雷。震霆而不可當。蓋其神之凝處。正威之所由奮。氣之翕處。正力之所由雄。此古來大有爲之人。其乘時欲如矢者。其待時必如死。鑠金之暑。常生於凝寒。折膠之寒。必起於酷暑。故韓信之被擒。醞釀於躡足。寇公之見斥。胚胎



於拂鬚。霍光之受誅。萌芽於驂乘。蓋盛裡藏衰。  
泰中寓否。理勢之必然。吾人遇造化圓滿處。便  
防他缺陷。我遇人事優濃處。便防他冷落。我斯  
見幾明決者矣。

人有不善。未嘗不知。然常自知之。而自爲之。如  
子雲之美新。阮藉之勸進。范質之下拜。爲救死  
計耳。猶可原也。至于周本賀徐知誥篡位。歸卽  
飲藥而死。然與其死於旣賀之後。就若死於未



賀之前。林希草子。瞻謫詞。退謂人曰。一生名節。壞矣。然與其草之而壞名。孰若不草而全節。總之。係戀覬覦。隱忍不決。故明知而明犯之。固可遲回顧。戀作千古罪人哉。

張子房欲行其術。則託之黃石公。欲庇其身。則托之赤松子。欲定國儲。則托之商山四皓。又如時當固陵。始議韓彭之地。事值復道。方謀雍齒之封。功成不宰。名成不居。若見若隱。真得猶龍氏遺術。



